

---

**K A N T I K**
**B U G A L E   B R E I Z - I Z E L**
**D A   Z A N D   E R V O A N**


---

WAR DON : *Ar Mousik bian.*

Azo ar Genkiz a lere

D'he mab Ervoan Kervarzin :

« Mabig, emei, noz ha beure,

» C'houi bedo war ho taoulin.

» Laret zo d'in abeurz Doue,

» Pe oae'h bian, ma bugel:

— « Da vab Ervoan a vo eunn de

» Eur zant braz enn Breiz-Izel. »

*Otro zand Ervoan binniget,  
 Ma zand Ervoan Breiz-Izel,  
 Enn han Doue ma zikouret,  
 Ha me vo bete mervel,  
 Me vo eur zand, eur zand ive,  
 Evel ma oac'h enn bugel,  
 Hag eunn devez em o enn Ee,  
 Ma lod gand zent Breiz-Izel.*

Ervoan a c'hoerze he lagad,  
 O klevet he vamm Azo,  
 Ha daoulinet tal he vamm vad,  
 A lere he bedenno.

« Mar am c'heret, o ma Doue,  
 » E levere ar bugel,  
 » A vo Ervoan eur zant neve  
 » D'he vroik keaz Breiz-Izel. »

Aked vraz hen ee bemde  
 Da lenn bue zend ar vro,  
 Ha goude pedi a gleske  
 Ober evel-t-he d'he dro.

« Reit d'in, ma Doue, emean,  
 » Adalek ma on bugel,  
 » Roet d'in ar c'hras da vean  
 » Eur zant vel zent Breiz-Izel. »

Ne gere netra barz ar vro  
 Vel he iliz Landreger :  
 Enn ofern hag er gouspero,  
 Ervoan a gane zeder.

« Eunn de a vo, ebars ann Ee,  
 » E levere ar bugel,  
 » Hag e kanin gand ann Ele  
 » Ha gant ma zent Breiz-Izel. »

Gwelan a re o kimiadi  
D'he vamm Azo ar Genkiz,  
Gwelan 're d'he dad Helori  
'N eur vond da skolio Paris.  
« Da Baris ma renk an monet,  
» E levere ar bugel,  
» Enn Paris, me vo fur bepred,  
» Vel em broik Breiz-Izel. »

Ne oa ket mesk ar iaouankiz,  
O ! nan, ne oa ket unan,  
O studian enn ker Pariz.  
Furoc'h vit ma oa Ervoan.  
Enn Paris kerkoulz hag er vro,  
N'ankouez ket ar bugel  
Pez a lere he vamm Azo,  
Pe oa 'nn he vro Breiz-Izel.

Enn Breiz-Izel, o ma Doue,  
A zo c'hoaz kalz a vammo  
Hag a lavar d'ho bugale,  
Evel ma lere Azo.  
Ha pe 'ne gret he bask kentan,  
E leront hi d'ho bugel :  
« Deut, bugel, deut da bardonan  
» Da zand Ervoan Breiz-Izel. »

« N'onn pera vefet 'nn ho pue,  
» N'onn pelec'h veet kaset :  
» Gand ober bolante Doue,  
» G'houi vo evurus bepred. »  
Evel se 'lavar ar vamm vad,  
O tonet gant he bugel,  
O tonet da westan he mah  
Da zand Ervoan Breiz-Izel.

Enn kichen he vamm daoulinet,  
Enn chapelig zand Ervoan,  
Ar bugel kez hen euz laret  
Vel Ervoan, pe oa bian.

« Otro zand Ervoan, emean,  
» Me n'on nemet eur bugel :  
» Evel d'hoc'h me garje bean  
» Eur zant d'am bro Breiz-Izel.

» Gant ma vo bolante Doue,  
» N'euz fors pelec'h vin kaset ;  
» N'euz fors pera vin em bue,  
» Me a vezo fur bepred.  
» Zand Ervoan, c'houi am zikouro,  
» Adaleg ma on bugel,  
» Hag eunn devez 'm o enn Envo  
» Ma lod gant zent Breiz-Izel. »

Ma Jezuz, mizerikord !  
Kalon douz a Vari, beet ma zilvidigez !  
Sant Josef, pedet evid-omp !

(M<sup>r</sup> Le Bon)

*Imprimatur :*

A. CHATTON, *vikel vraz.*

Sant-Briek, 14 a viz mae 1883,